



**POLELO EA MOHLOMPHEHI TONA-KHOLO, DR. MOEKETSI
MAJORO, MABAPI LE BOEMO BA TLOKOTSI LE MEHATO EA TAOLO
EA NAHA HO LATELA MAEMO A MACHA A TŠOAETSO A COVID-19
LABOBELI, 05 PHEREKHONG 2021**

Sechaba sa heso,

Ke boela ke hlaha ka pela lona ka mora nako e khutšoane haholo ke ile ka hlaha ka makhetlo a mabeli a latellanang ke buoa le lona ka maemo a ntseng a mpefala a ho ata le ho nama hoa tšoaetso ea kokoana-hloko ea Covid-19 ka hare ho naha ea rona. Ke hlaha tjena hobane maemo ana a ntse a ehloa mekoalaba mme a eja setsi ka tsela e phahameng haholo.

Ke bile le kopano letsatsing la kajeno le komiti ea matona a ikarabellang litabeng tsa covid-19 moo litsibi tsa Lekala la Bophelo le NACOSEC ba re fileng boemo bo hlobahetsang haholo ba ho jaleha hoa tšoaetso ea kokoana-hloko ena ka lebelo le sekahla se tšabehang haholo metseng le metsaneng mmoho le literopong tsa rona hohle ka hare ho naha. Re boetse

ra hlalose tsoa ka mafu a bonahalang a eketseha ka sek'hahla se seholo hofeta nako efe kapa efe eo re kileng ra e bona e sale kokoana-hloko ena e kena ka hara naha ea rona. Mafu ana ke a netefalitsoeng lea amangoang le kokoana-hloko ena, mme a mang kea etsahalang lipetlele, ha amang a tlalehoa a etsahala metseng ea rona moo.

Sechaba sa heso,

Holatela boemo bona bo hlobaetsang, lekhotla la matona le entse qeto ea ho isa naha ena boemong ba tlokotsi le mehato ea taolo le toantšo ea ho ata le ho nama hoa kooana-hloko ena ho tloha 'maleng oa **purple** ho nyolohela 'maleng oa **orange** ho tloha ka khitla bosiueng bona ba Labobeli la 05 Pherekhong 2021. Mehato ena ea **orange** e tla kena tšebetsong libeke tse peli re ntse re lekola boemo ka hlokolosi e kholo.

Letona la Bophelo le amang ho tloha hosane ba tlatla hlalosa likateng tsa mehato le lipheho tsohle tsa 'mala ona oa **orange**. Pherimaneng ena ke rata ho toboketsa linthla tse fokolang feela tsa 'mala ona:

1. re kentse tšebetsong qomatsi (curfew) e thibelang metsamao ho tloha ka hora ea borobeli mantsiboea (08:00p.m) ho fihlela ka hora ea bohlang hoseng (05:00a.m).
2. ho roala mask ka linako tsohle hang ha motho a etsoa jareteng ea moo a lulang le ho ilo kopana le batho ba bang. Taba ena ke molao 'me motho a sa e lateleng o tla nkeloa likhato holatela molaoana oa covid-19.
3. ho qoba hoba libakeng tseo ho khobokanoeng ka hohle hohle.
4. likolo litla emisa kaofela hofihlela hoka ba le phatlalatso e ncha.

5. mabenkele a lijo le liphahlo a tla nne a buloe ho ipapisitsoe le lipehelo tse matla tsa boitšireletso.
6. likoloi tsa baeti litla nne li nke baeti, fela lipehelo tsohle tsa boitšireletso litla leteloa ka hohle hohle. Ba ikarebellang koloing kapo bapalami batla fumanoa ba sa latela litaba tsa tšireletso batla nkeloa likhato tsa molao hang-hang (iveco).
7. Thekiso ea mothamahane e buletsoe fela ka Mantaha ho fihlela Labohlano ho tloha ka hora ea borobong hoseng (09:00a.m) ho fihlela hora ea bohlangano mantsiboea (05:00p.m). Mme litsi tsohle tsa mothamahane litla rekisa fela ka mokhoa oa hore bareki ba reke ba tsamae ba ilo noella malapeng a bona, mme ha hona motho ea tla noella seterateng.
8. mafung ho tla ea fela litho tse haufi tsa lelapa le bacheki ba leshome (10), mme tšebeletso ea lefu e nke fela hora tse peli (2hours) mme ea be e phethetsoe tuu ka hora ea leshome hosing (10:00a.m).
9. likopana tsa malapa li se kebe tsa tšoaroa ho hang.
10. ho se kebe hoa tšoaroa seboka sefe kapa sefe sa lipolotiki.

Fellow Basotho, residents and friends of Lesotho,

I appear to you tonight to give you the prevailing surge of Covid-19 infections and deaths in our country. During the Christmas and new year festivities we have witnessed increasing infections and deaths in an alarming rate. We have therefore passed covid-19 risk mitigation restrictions in the country from the recently announced Purple Colour code stage to Orange one with effect from midnight of today, Tuesday 5th January 2021. I assure you that we have taken all measures to lower

the infection and death rates while managing all those that are infected and those who need medical attention.

Le ha re leka ka hohle ho thibela ho ata hoa tšoaetso ena e le ho qoba ho loana ntoa ena ka hara litsi tsa bophelo boemong ba hahajoale re iphhumana re lokela ho e loana le ka hara litsi tsa kokelo. Ke kopane le letona la Bophelo, mme ke kholisehile hore re tla atleha ho etsa sohle se matleng a rona ho thusa Basotho bohle ba angoeng hampe ke kokoana-hloko ena.

Ke etsa boipiletso ho sechaba sohle hore le ha re le ka hara tlokotsi e boima tjena re khobeng matšoafo, mme re latele lipehelo tsohle tse bolokang maphelo a rona haholo re itlhaise ka pele-pele litsing tsa bophelo hang ha re ikutlo re ena le matšoafo a ho tšoaetsoa ke kokoana-hloko ena.

Basotho ba heso,

Elelloang hore re tle re tsebe ho laola le ho loantša kokoana-hloko ena, mme bohle re ikobele mehato le lipehelo tsohle tsa taolo ea eona, le tla bona Sepolesa le Sesole mapatlelong ohle ka hare ho naha.

Ha re hopoleng ho latela temoso eo re ileng ra e etsetsoa ke Mookameli e moholo oa Mokhatlo oa Bophelo oa Lefatše (WHO), Dr Tedros, ha are, ***qeto eo o e etsang ea hore naa o ea kae, o ilo etsang, o ilo kopana le bo mang, ke qeto ea lefu kapa bophelo.***

Khotso Pula Nala